

BIBLIOTECA NACIONAL CU EXPOSICION DI CARNAVAL SU 40 AÑA

ORANJESTAD (AAN): Cu manera e promer carta di invitacion di Tivoli Club, data documentonan historico,

Diario. - (14 januari 1994)

10 di november 1954, dirigi na tur e clubnan, pa un reunion pa organisa carnaval di Aruba cu a wordo firma pa G.A. Oduber, D.D.S. (Dolfi Oduber), potret y otro informacion historico y valioso. Biblioteca Nacional kier mustra comunidad, visitante, hoben y adulto un panorama di 40 aña di carnaval di Aruba.

E intencion ta pa bini cu musica di e 40 añanan, steelband, calypso, tumba, roadmarch, Sonora del Caribe y hopi mas manera disfraz di antaño y di e ultimo temponan, pero pa realisa esaki Biblioteca Nacional ta pidi ayudo di comunidad.

Ken cu por tin disfraz, documento, musica, potret, relato di carnaval di Aruba y cu ta dispuesto pa fia biblioteca esakinan, por favor tuma contacto cu Irais Sankatsing-Nava of Daniela Janga, tel: 21580. Tambe biblioteca ta busca un di e promer shimisnan y sherp di eleccion di reina di carnaval.

E exposicion ta habri dia 21 di januari pa 6'or di atardi y lo dura te fin di februari. E exposicion lo ta den hal di Biblioteca Nacional.

Historia di carnaval di Aruba den un exposicion emocionante cu lo reviva grato recuerdonan y cu lo mustra cuanto talento y creatividad nos arubianonan ta dispone di dje. Nos mester cultiva y cuida e caracteristica di nos pueblo sino e dicho "one happy island" lo pasa pa historia tambe.